

Loss mi in Ruh

Sonja Aria Sperr

Des Auto springt ned on, und de Werkstott hod heit zua.
Des Radl hod an Potschn dron, und meine Fias dan weh seit der Fruah.
Loss mi in Ruh. Wos is'n scho wieda mit deiner Kraxn?
Losst's mi in Ruh. Beim Stark kriegst den Eisenpreis dafier. Jo, des auf jeden Foi.
De Orbat is a Graus, der Chef der nervt den gonzen Tog.
I hoit des nimma aus, de Schickarein i gor ned mog.
Loss mi in Ruh. Muasst di scho wieda ärgern in da Hockn?
Losst's mi in Ruh. Quad, dass mir scho in Pension san. Jo, do host Recht.
Loss mi in Ruh, i hob von dir sche langsam gnua.
Loss mi in Ruh, sunst druck i dir de Augn zua.
Loss mi in Ruh, i schau do nimma recht long zua. Loss mi in Ruh, loss mi in Ruh.
Mei Tochter pumpt mi dauernd on, sie frogt mi ollerweil noch Geld.
Boid bin i a ausbrennter Monn, i glaub, de kauft de gonze Welt.
Loss mi in Ruh. Für wos braucht de denn immer des gonze Geld?
Losst's mi in Ruh. Wird hoid in de Disco gehen mit de Freind. De soi lieba a bissl sporn.
Mei Bua is frech und laut, i kann ned schlofn in da Nocht,
Weil er so umanonder haut, dass nur so scheppert und so krocht.
Loss mi in Ruh. Hau erm ausse, der soi si endlich a eigene Wohnung suachn!
Losst's mi in Ruh. Heast Karl, der is jo erst 16. Jo und?
Loss mi in Ruh, i hob von dir sche langsam gnua.
Loss mi in Ruh, sunst druck i dir de Augn zua.
Loss mi in Ruh, i schau do nimma recht long zua. Loss mi in Ruh, loss mi in Ruh.
Mei Frau, es is zum narrisch wern, denn wonn ihr irgendwos ned passt,
Donn fongt sie on zum plärrn und käbbelt ohne Ruh und Rast.
Loss mi in Ruh. Und des losst da du so afoch gfoin?
Losst's mi in Ruh. Jo, wos denn sunst mochn? Er is hoit mochtlos. Jo, i was eh.
Der Hund der scheisst ma hinters Bett und donn grinst er mi on.
I find des von erm gor ned nett, na, des kotzt mi richtig on.
Loss mi in Ruh. Einschläfern, sog i do nur, einschläfern!
Losst's mi in Ruh. No geh, der orme Hund, kann jo nix dafier. Na, nix do, einschläfern!
Loss mi in Ruh, i hob von dir sche langsam gnua.
Loss mi in Ruh, sunst druck i dir de Augn zua.
Loss mi in Ruh, i schau do nimma recht long zua. Loss mi in Ruh, loss mi in Ruh.
Loss mi in Ruh, i hob jetzt gnua, du nervst mi nur in ana Tour.
Wos wüsst du nur in olla Fruh, geh bitte gib doch endlich Ruh.
Loss mi in Ruh, sunst sog i nur: I was boid nimma, wos i tua.
I hob jetzt gnua, drum sog i nur: Loss mi in Ruh.